

医学六要



病機部卷下序

三錫曰洪荒世穴居野處茹毛飲

累思想之患人咸朴實故病多外感車山廼論

八風謂風爲百病之長是矣厥後劉河間主乎

火東垣主乎濕丹溪主乎氣紛紛不決乃立真

中類中之論以卒暴僵仆言語謇澀手足偏枯

等症皆合上古中風形症乃爾不知世運變遷

稟賦迥異藜藿膏粱聲色口腹縱恣無涯精血

旣虧痰火獨熾重則暴厥暴死輕則癱瘓偏枯



其症雖同其因則異是續命三化牛黃丸等法
不宜于今而丹溪補養化痰諸說妙合乎時可
謂因時制宜知權知變者也蓋常論之本必先
腐也而後蟲生焉外感內傷悉從虛起正素問
所謂清淨則肉腠閉拒雖有大風苛毒弗之能
害西北未必無內傷東南未必無外感因風因
火因濕因痰皆是標氣血虛是本審脉問症分
緩急定氣血乃可今將古今法言纂集于左

病機部卷下

盱江張三錫纂

金壇王肯堂校

真中風

靈樞經曰、風從南方來、名曰大弱風、其傷人也、
內舍於心、外在於脉、風從西南方來、名曰謀風、
其傷人也、內舍於脾、外在於肌、風從西方來、名
曰剛風、其傷人也、內舍於肺、外在於膚、風從西
北方來、名曰折風、其傷人也、內舍於小腸、外在



南京中醫藥大學圖書館版權所有

於手太陽脉、風從北方來、名曰大剛風、其傷人也、內舍於腎、外在於骨、風從東北方來、名曰鹵風、其傷人也、內舍於大腸、外在於兩脇腋骨、風從東方來、名曰嬰兒風、其傷人也、內舍於肝、外在於筋紐、風從東南方來、名曰弱風、其傷人也、內舍於胃、外在於肌肉、此八風皆從虛之鄉來、故聖人避風如避矢石焉。

諸風掉眩皆屬肝木

掉搖也、眩昏亂旋轉也、風主動故也、木生風、盛則生

火風火相扇則為旋轉

內經曰風之傷人也或爲寒熱或爲寒中或爲熱中或爲偏枯風善行而數變至其變化乃爲他病無常

千金云岐伯所謂大法有四一曰偏枯半身不遂二曰風痺於身無痛四肢不收三曰風懿奄勿不知人四曰風痺謂痺類風

中腑中臟中血脉

中腑者多著四肢拘急不仁脉浮惡風或左或右痿不能動面加五色中臟者多滯九竅故唇



緩失音耳聾鼻塞目瞽犬小便秘結外無六經
形症內無便溺阻澁但手足不遂言語蹇澁此
邪中於經也中血脉則口眼喎稍輕中腑則支
節廢差重中臟則遺尿氣暴絕性命危

類中風

世之病此者良多

果垣曰中風非外來風邪乃本氣自病也凡人
年過四旬氣衰之際多因喜怒憂思傷其氣者
多有此病壯歲之時無有也若肥盛者間而有
之亦是形盛氣衰故如此爾

河間曰、風病多因熱甚、俗云風者、皆言未而忘其本也、非肝木之風實甚、亦非外中風邪、良以將息失宜、心火暴甚、腎水虛乏、不能制之、則陰虛陽盛、熱氣拂鬱、心神昏冒、筋骨不用、而卒倒無所知也、多因喜怒思憂恐過極而卒中者、夫五志過極、皆爲熱甚故也、微則但眩運僵仆、半晌氣血流通、卽醒、邪火太甚、正氣不能勝敵、痰火塞滯、心竅氣不能通、陰氣暴絕、陽氣後竭而歿、卽素問暴病暴歿、皆屬於火是矣。

肥人多中風者以其氣盛於外而歛於內也肺
爲氣出入之道肥者氣必急氣急則肺邪盛而
濁氣上壅故痰涎壅盛所以治之必先理氣爲
急

濕病似中風

元戎曰酒濕之爲病口眼喎斜半身不遂舌強
渾似中風當瀉濕熱脉多滑數或弦沉而數口
角流涎痰滯胸膈火炎上上焦不清故涎上溢
偏枯屬脉道不行痰滯重著口噤筋急風熱太

盛痰滯上焦津液不能榮於筋燥而勁也筋反緩者血液衰甚也筋孿易愈筋痿難復

丹溪曰西北方氣寒肅爲風所中誠有之矣東南氣溫而多濕有風病者非風也皆濕土生痰痰生熱熱生風也

內因似中風

盧砥鏡曰經云神傷于思慮則肉脫意傷于憂愁則肢廢氣傷于悲哀則筋孿氣傷于喜樂則皮稿志傷于盛怒則腰脊難以俛仰也昔有孀

頰十指拳攣，掌重莫舉，肌膚瘡駁，風藥雜進，不應乃以舒鬱調氣血而愈。

千金方引岐伯等論，其中風也。河間主乎火，東垣主乎氣，丹溪主乎濕，類中風而非中風也。

其中之脈必浮，脈浮而數，中風使然。肥人多因于濕，痰厥必弦滑，瘦人多起于陰虛，脈必洪數。

中氣

頰人及多鬱悶人，忽然卒厥，名中氣。脈必沉伏，或結，亦有暴怒而致者。許學士云：世言中氣者，



雖不見于方書、然暴怒傷陰、暴喜傷陽、憂愁不
已、氣多厥逆、往往得此疾、便覺涎潮昏塞、牙關
緊急、若便作中風用藥、多致殺人、經曰、無故而
暗、脉不至、不治自愈、謂氣暴逆也、氣復則已、審
如是、雖不藥自可

近世以手足不隨、癱瘓、曳眩、倒仆、膝腳軟

弱、振掉、拘攣、不語、舌強、痿症、咸以風名、而局

方混同論治、丹溪辨之詳矣、然痿病諸形症、悉

屬痰火濕熱、皆類中風、病屬內因、非若中風自

外而入者也。故古方皆表散藥。以其自表而入。亦當自表而出也。其濕痰諸症。留滯經絡。克塞腸胃。爲痛痺。亦有微汗。微下者。隨機應變。妙在合宜爾。

凡中年人肥盛。或富貴酒色。輩頭時眩運手足作麻。久之不治。不謹。必成偏枯。虛甚則暴厥而。俗稱中臟乃火盛氣暴脫也。

半身不遂新議

王損菴曰。心是天真神機開發之本。胃是穀氣

充大真氣之標。標本相得。則胸間之膻中氣海。所留宗氣盈溢。分布四臟三焦。上下中外。無不周徧。若標本相失。則不能致其氣于氣海。而宗氣散矣。故分布不周于經脈。則徧枯。不周于五臟。則瘖。須從補養。

失音不語

腎者藏精主下焦。地氣之生育。故衝任二脈繫焉。二脈同腎之大絡。起于胞中。其衝脈因稱胞絡。爲十二經脈之海。遂名海焉。衝脈之上行者。

滲諸陽、灌諸經、下行者、滲三陰、灌諸絡、而溫肌肉、別絡結于跗、因腎虛而胞絡內絡不通于則腎脉不上、循喉嚨、挾舌本、則不能言、二絡不通于下、則痺厥也。

火

內經曰、少火生氣、壯火散氣、三錫曰、丹溪有言、天非此火不能生物、人非此火不能有生、然人飲食入胃、全賴元陽真火、上蒸以腐熟之、而精華之氣、四布爲精、爲氣、爲血、爲津液、糟粕下流。

生生不息、脾爲傳化之官、真陽實爲主宰、以行其令、若真陽火衰、則腐熟遲、由釜中無火、飯不熟也、老年之與少壯、飯食多寡、蓋可見矣、所謂少火生氣者、乃滋生元氣、至于壯火食氣者、乃亢極之火、火亢則耗散真氣、而諸火病生矣、昧者不知此理、涼藥妄投、必欲使之無火、無火則無生、而壅隔不能食、嘔吐之病起、經又曰、食入反出、是無火也、遵生者、順時節、養喜怒適中、而恬憺虛無、不使之亢火焉、能爲患哉、人惟縱恣

不謹妄舉妄動精血既虧陰水日耗虛陽獨熾
欲火之不亢得乎

內經曰諸熱瞀瘈暴瘖冒昧躁擾狂越罵詈驚
駭臍腫疼痠氣逆衝上禁慄如喪神守噤嘔瘡
瘍喉閉耳鳴及聾嘔涌溢食不下目昧不明暴
注瞶瘈暴病暴死皆屬于火

瞀昏也如酒醉而心火盛則神濁昧而昏瞀也
瘈動也惕跳動瘈火之象也

暴瘖卒瘕也肺金主聲火盛乘金金氣被鬱故

